



Planuar / Dorezuar Prijmleno/Prodato Received/Delivery	15.06.2023	3	viti god year
Organ /Njesia Organ /Jedinica Org./Unit	Nr Prot Br Prot Prot No	Shtojca Prilog Appendix	Sasia Kolicina Quantity
SKAVSHK	4791/2023		113



Republika e Kosovës  
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD FOR THE CIVIL SERVICE OF KOSOVA

A.nr.785/2023

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Arben Mehmeti-kryetar, Eshref Shabani dhe Ardita Haxhnikaj Demi-anëtarë, me Vjollca Sinani - Zyrtare e Lartë për Bashkëpunim Profesional në cilësinë e procesmbajtëses, në lidhje me ankesën A.nr.785/2023 të datës 29.05.2023 të parashtruar nga ankuesi me adresë banimi kundër organit të punësimit Agjencia Pyjore e Kosovës, në çështjen juridike "Kërkesë nga marrëdhënia e punës", duke vepruar në pajtim me nenin 16 paragrafin 3, nenin 18 paragrafin 1 nën paragrafin 1.7 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur më datën 15.06.2023, mori këtë:

V E N D I M

Hedhet poshtë si e palejuar ankesa me numër A.nr.785/2023 e datës 29.05.2023 e parashtruar nga ankuesi

A r s y e t i m

Ankuesi në pozitën e punës sipas Akt emërimit të datës 31.12.2013 në pozitën Inspektor për Shfrytëzimin e Pyjeve dhe Përpunim të Drurit në Drejtorin e Inspektoratit Qendror të Pylltarisë dhe Gjuetisë në Agjencinë Pyjore të Kosovës, më datë 29.05.2023 parashtron ankesë me pretendimet ankimore kundër vendimit Ref.DP-APK-193/2015 të datës 10.03.2015 përmes së cilit vendim Agjencia Pyjore e Kosovës e transferon nëpunësin civil z.B.Z në mënyrë të kundërligjshme sipas pretendimit të ankuesit në pozitën Drejtor i Drejtoratit Qendror të Inspektionit për Pylltari dhe Gjueti në APK, duke pretenduar se përmes këtij vendimi janë shkelur dispozitat e Ligjit për Shërbimin Civil Nr.03/L-149,Dispozitat e Ligjit Nr. 06/L-114 për Zyrtarët Publik, Rregullorja 06/2010 për transferimin e Shërbyesve Civil, Rregullorja QRK 14/2020,Regullorja 16/2020 si dhe Ligji Nr.04/L-053 për Parandalimin e Konfliktit të Interesit.



Këshilli i Pavarur Mbikëqyrës për Shërbimin Civil të Kosovës bazuar në Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, më datë 06.06.2023 ka proceduar kërkesën për përgjigje në ankesë të ankuesit te organi i punësimit, ndërsa ky i fundit më datë 08.06.2023 ka dërguar përgjigje në ankesë së bashku me shkresat e lëndës.

Kolegji për shqyrtimin dhe vendosjen e ankesave, duke i shqyrtuar shkresat e lëndës ka konstatuar që ankesa e ankuesit, është e palejuar, **SEPSE:**

Kolegji për Shqyrtimin dhe Vendosjen e Ankesave, ka analizuar dispozitat ligjore me rastin e Vendimit me Ref.DP-APK-193/2015 të datës 10.03.2015 lidhur me transferimin e z.B.Z, por se kolegji i këshillit nuk u lëshuar në vlerësimin e ligjshmërisë së këtij vendimi nga se nuk ka mundur të vërtetoj me asnjë provë se ankuesit i është cenuar ndonjë e drejtë apo interes i ligjshëm në këtë proces, nga se kjo çështje sa i përket të drejtës në ankesë në rast të cenimit të ndonjë të drejte ishte e rregulluar me Ligjin Nr.03/L-149 për Shërbimin Civil i cili kishte qenë në fuqi në kohën e transferimit të zyrtarit B.Z. sipas vendimit të apostrofuar më lartë përkatësisht neni 50 paragrafi 1 përcaktonte *"1.Nëpunësit civilë kanë të drejtë për ankesë kundër vendimit administrativ apo çdo shkelje ose lëshim të rregullave ose procedurave të përgjithshme administrative, që ndikojnë dhe që kanë të bëjnë me marrëdhënien e tyre të punës"* si dhe poashtu është e rregulluar edhe me dispozitën e nenit 24 paragrafi 3 të Ligjit Nr. 06/L-114 për Zyrtarët Publikë i cili është në fuqi në kohën e parashtrimit të kësaj ankesë, ku përcaktohet se: *"3.Nëpunësi civil ka të drejtë të paraqesë ankesë drejtpërdrejt në KPMSHC për çdo veprim apo mosveprim, që i cenon të drejtat apo interesat e ligjshme, të drejta këto, që burojnë nga marrëdhënia e Shërbimit Civil sipas këtij ligji..."*, por se ekzistojnë afatet ligjore për të ndërmarrë veprimet adekuate ligjore, e që në rastin konkretë nuk është provuar se ka pasur veprime administrative.

Kolegji për Shqyrtimin dhe Vendosjen e Ankesave sa i përket çështjes që është objekt i kësaj ankesë i referohet legjislacionit aktual ,dhe në kuptim të përcaktimit të së drejtës për të qenë palë në një procedurë administrative i 'u referua neni 14 të Ligjit Nr.05/L-031 për Procedurën e Përgjithshme Administrative, i cili përcakton se: *"1. Palë në procedurën administrative mund të jetë çdo person fizik, person juridik apo grup personash me një interes të përbashkët: 1.1. me kërkesë të të cilit organi publik ka filluar procedura administrative; 1.2. ndaj të cilit ka filluar procedura administrative apo të cilit rezultati i procedurës administrative mund t'i cenojë të drejtat apo interesat juridike....."*. Ndërsa me neni 124 të Ligjit Nr. 05/L-031 për Procedurën e Përgjithshme Administrative, përcaktohet legjitimimi, shkaqet dhe mjetet juridike administrative, ndërsa paragrafi 1 i këtij neni përcakton që: *"1.Pala ka të drejtë të ushtrojë mjetet juridike administrative ndaj çdo veprimi apo mosveprimi administrativ, nëse pretendon se të drejtat apo interesat e saj juridike cenohen nga ky veprim apo mosveprim....."*, kështu që, Kolegji për Shqyrtimin dhe Vendosjen e Ankesave, ka konstatuar se vendimi i kontestuar me ankesë nuk kishte cenuar ndonjë të drejtë apo interes të ligjshëm të ankuesit, për faktin se ankuesi mbanë pozitën që kishte sipas Akt emërimit të datës 31.12.2013 në pozitën Inspektor për Shfrytëzimin e Pyjeve dhe Përpunim të drurit në Drejtorin e Inspektoratit Qendror të Pylltarisë dhe Gjuetisë në Agjencinë Pyjore të Kosovës, duke pasur parasysh dispozitat ligjore që rregullojnë shërbimin civil përkatësisht Ligjin Nr. 06/L-114 për Zyrtarët Publikë se marrëdhënia e punës krijohet me aktin e nënshkrimit të akt emërimit dhe se çdo cenim i ndonjë të drejte që parashihet në këtë dokument zyrtarë/akt emërim, i jep të drejtë secilit që atakohet në ndonjë formë përmes



ndonjë veprimi administrativë që të ndërmerr veprimet përkatësisht të përdorë mjetet juridike për të mbrojtur një të drejtë të caktuar që i garantohet me ligj, ndërsa në rastin konkretë kolegji i këshillit nuk ka hasur në ndonjë veprim që cenon interesin juridik nga marrëdhënia e punës që garantohet në përmbajtjen e Akt emërimit të datës 31.12.2013 në pozitën Inspektor për Shfrytëzimin e Pyjeve dhe Përpunim të drurit në Drejtorin e Inspektoratit Qendror të Pylltarisë dhe Gjuetisë në Agjencinë Pyjore të Kosovës, e mbi këtë bazë edhe për të qenë palë në këtë procedurë mbi bazën e cenimit të ndonjë interesi të ligjshëm përmes veprimit të organit përkatës që është atakuar përmes kësaj ankese, andaj kolegji i këshillit konstaton se ankesa ka të bëjë me vendimin Ref.DP-APK-193/2015 të datës 10.03.2015,ndërsa nga shkresat e lëndës nuk ka hasur në ndonjë veprim administrativë përmes së cilit ishte kontestuar ky vendim andaj pa u lëshue në çështjen se ankesa bazohet edhe në legjislacion që nuk kishte qenë në fuqi në kohën e transferimit të zyrtarit B.Z ,ankesa e ankuesit edhe në këtë kuptim është e palejuar.

Bazuar në at që u tha si më lartë dhe duke iu referuar nenit 129 paragrafit 1 nën paragrafit 1.2 të Ligjit Nr.05/L-031 për Procedurën e Përgjithshme Administrative, nenin 18 paragrafin 1 nën paragrafin 1.7 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Kolegji për Shqyrtimin dhe Vendosjen e Ankesave, vendosi si në dispozitiv të këtij Vendimi.

**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalin ekzekutimin e këtij vendimi.

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS**  
Lënda,A.nr.785/2023, datë 15/06/2023

**Vjollca Sinani**

Zyrtare e Lartë për Bashkëpunim Profesional

**Arben MEHMETI**

Kryetar i Kolegjit

**Vendimi i dërgohet:**

- Ankuesit,
- Udhëheqësit të Njesisë së Burimeve Njerëzore në Agjencinë Pyjore të Kosovës;
- Arkivit të KPMSHCK-së.